



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Interdicti localis & personalis effectus.

**urn:nbn:de:hbz:466:1-40647**

*debent onus interdicti in loco interdicti, non in alio. Cum interdicatur Clerus non intelliguntur interdicti Religiosi. Qui tamen interdican- tur, quando interdicitur Ecclesiastici. Sicut etiam Novitii. Conversi. Moniales. Eremita.*

talem, dum habitat in loco interdicto, ferre, debere onus interdicti, in aliò vero loco liberum esse. *p. 5. tr. 10. res. 70.*  
 3. Nota secundò, quòd quando interdicitur Clerus, non intelliguntur interdicti Religiosi, nisi exprimentur, aut ex contextu id colligatur. Ratio est; quia Religiosi in odiosis non veniunt nomine Cleri. Ita Præpositus in *3. part. quæst. 4. dub. 2. num. 11.* contra Megalam in *3. part. lib. 2. cap. 1. quæst. 2. num. 15.* Nisi Religiosus haberet beneficium seculare, ut Canonicatum, &c. quo esset ab aliis segregatus. Quando vero interdicitur Ecclesiastici, comprehenduntur Religiosi; etiam conversi, & moniales, imò etiam Eremitæ. Et verius est comprehendendi etiam Novitios. Qui tamen non comprehenduntur, si interdican- tur Religiosi; quia in odiosis nomine Religiosorum non veniunt Novitii. Ita etiam Præpositus *ibid. part. 5. tract. 10. resolutione 80.*

*An sufficiat debitum pecuniarium.*

4. Causa materialis proxima interdicti est peccatum. Vide *verb. Censura à numero 10.* Unum hic nota, quòd pro debito pecuniario non potest ferri interdictum locale tam generale, quàm speciale *Extravag. providè, de sentent. excomm.* quam *Extravag. Sorus in 4. dist. 12. quæstion. 3. artic. 11.* extendit etiam ad interdictum personale generale, propter paritatem rationis, quod scilicet inde multa animarum damna sequantur. Sed probabilior visa est contraria sententia Præposito in *3. part. quæst. 3. dub. 1. num. 5.* quia ibi solum agitur d. interdicto locali, & ex natura rei interdictum personale poni potest propter debitum pecuniarium. *part. 5. tract. 9. resolutione 79.*

**INTERDICTI LOCALIS**  
*Effectus.*

*Interdictum locale impedit publicam Missarum &*

**P**rimus effectus interdicti localis est, ut in loco interdicto nec Missæ, nec divina Officia publicè celebrentur, Ante Bonifacium VIII. nequa secre-

to celebrari poterant, nisi semel in hebdomada ad renovandum Sacramentum. Bonifacius autem in cap. *Alma mater* concessit, ut in loco interdicto Missæ & Officia secreto celebrarentur in Ecclesiis, & Monasteriis. † An verò celebrari possint etiam in Oratoriis privatis, & aliis locis extraordinariis? Negat Turrianus *lib. 8. disp. 49.* quia ibi fit mentio tantum Ecclesiarum, & Monasteriorum. Sed probabilior est contraria sententia Præposito in *3. part. quæst. 4. dub. 3. num. 29.* quia in materia favorabili Oratoria possunt sub Ecclesiæ nomine comprehendi, *part. 5. tract. 10. resolutione 60.*

2. † Concessit etiam Bonifacius, ut in interdicto locali, quando Missæ & Officia secreto celebrantur, Clerici omnes & Sacerdotes, intersint, non tamen laici, nisi in certis solemnitatibus, ut infra dicemus. † Nomine autem Clericorum veniunt etiam conjugati, si habeant requisita Tridentini, nam eo ipso, quod servitio Ecclesiæ de mandato Episcopi deputati sunt, videntur in hoc aequales aliis Clericis. Adde, quod essent melioris conditionis, quam alii, si ipsi stipendia acciperent absque assententia. Nisi dicas, debere stipendiis privari, quod est valde durum, nulla præsupposita eorum culpa. Ita Coninch *de Sac. disp. 27. dub. 2. num. 30.* contra Hurtado *de interd. diff. 7. n. 19. part. 5. tract. 10. resol. 85.*

4. Extendi etiam debet supradicta cõcessio ad communionem laicalem, ut scilicet tam Clerici quam Sacerdotes celebrare non valentes communicare possint per manus aliorum, quia ibi dicitur: *Dicantur divina officia sicut prius; at prius, hoc est, ante interdictum, id licitum erat; ergo etiam in eo.* Adde quod favores sunt ampliandi. Et cui conceditur principale, conceditur etiam accessorium. Ita Faber in *4. dist. 25. quæst. 1. disp. 5. cap. 3. num. 25.* contra Cornejo in *3. part. tract. 5. 8. 1. dub. 4. part. 5. tract. 10. resol. 82.*

5. † Laici tempore interdicti interesse possunt Sacro, & divinis Officiis in die.

*Officiorum celebratione in Ecclesiis, Monasteriis, Oratoriis privatis, & aliis solitis.*

*In quibus celebrari possunt privatim. Interveniuntibus omnibus Sacerdotibus, & Clericis, etiam conjugatis, si habent requisita Tridentini.*

*Qui omnes etiam possunt communicare per manus aliorum.*

*Laici verò in interdicendo.*



Possunt in die  
Natalis Do-  
mini.

Pascha.

Pentecostes.

Corporis

Christi.

Conceptionis

pro Ecclesiis

Minoribus, cum

suis Octavis.

Festa autem

Pasche, Pen-

tecostes, &

Nativitatis

comprehen-

dunt festa se-

quentiam im-

mediat.

Et more Ec-  
clesiæ, in qui-  
bus diebus  
laici possunt  
etiam commu-  
nicare.

In aliis vero  
diebus laici  
non possunt  
divinis Offi-  
ciis assistere.  
Quamvis in  
necessitate in-  
ministros as-  
sumi possint.

die Natalis Domini, Paschæ, Penteco-  
stes, & Assumptionis B. Virginis exci-  
tat. cap. *Alma mater*. Item in festo Cor-  
poris Christi, & ejus Octava, nec non  
in festo Conceptionis, & Octava in  
Ecclesiis, in quibus dicitur Officium,  
quod incipit *Egredimini*, ex concessio-  
ne Martini V. & Eugenii IV. Sed du-  
bium est, an per festa Paschatum intel-  
ligantur tantum primi dies, Et ita ait  
Suarez *disputat. 34. sect. 1. numer. 39.*  
Sed probabilior sententia Fabri ubi su-  
pra docet, venire etiam festa sequen-  
tia, & sic omnes tres dies Paschæ, &  
Pentecostes, sicut etiam omnes dies fe-  
stos continuè succedentes Nativitati,  
quia illi omnes pertinent ad festum  
principale. *part. 5. tractat. 10. resolutione*  
*61.* Accipienda etiam sunt hæc festa jux-  
ta morem Ecclesiæ inchoatus à primis  
Vesperis. Et Festum Paschæ sumi potest  
saltem à *Gloria in Excelsis* Sabbathi San-  
cti usque ad Completorium inclusivè.  
Ita Moscoso *tract. 16. cap. 8. Ibidem à §.*  
*Nozan lum.*

6. In his solemnitatibus, in quibus  
laici possunt divinis Officiis interesse,  
possunt etiam Sacram Eucharistiam su-  
mere, sicut supra diximus, de Clericis,  
& Sacerdotibus non celebrantibus,  
nam qui assistunt Missæ, sunt partici-  
pes Sacrificii. Ita Mercerus *in 3. part.*  
*quest. 24. dub. 2. contra Sorum in 4. dist.*  
*22. q. 3. art. 1. & alios.* Unde si tempore in-  
terdicti contingat præceptum Com-  
munionis, ut in Paschate, poterit  
secularibus dari. *part. 5. tractat. 10. resolu-*  
*lus. 87.*

7. Præter solemnitates prædictas  
non possunt laici Officiis divinis assiste-  
re, bene tamen possunt à Sacerdoti-  
bus celebrantibus in ministros assumi,  
deficientibus Clericis: quia cum Sa-  
cerdotibus concessum sit principale,  
concedi etiam præsumitur accessorium.  
Ita Præpositus *in 3. question. 4. dub. 3.*  
*numer. 31.* Qui addit Episcopum, & sim-  
plicem etiam Sacerdotem tempore in-  
terdicti in celebrando duos ministros  
adhibere posse, ut ante solebat. *part. 5. tr.*  
*19. resol. 87.*

8. Quod si laicus Sacris assistat se. *At si assistat.*  
clusa necessitate, & secluso etiam con-  
temptu & scandalo, puto peccare tan-  
tum venialiter, idque contra Coninch  
*disput. 17. dub. 3. num. 68.* etiam in Sa-  
crificio Missæ. Imò Avila *part. 5. disput.*  
*5. dub. 2.* probabile putat, nullo modo  
peccare, quia non prohibetur laicus in-  
teresse, sed prohibentur Clerici illum  
admittere. Qui proinde si interdictum  
violens, secundum Tannerum ex suo  
genere mortaliter peccat *part. 5. tr. 10.*  
*resol. 68.*

9. Alter interdicti localis effectus  
est, quod non licet Eucharistiam mi-  
nistrare, nisi tempore mortis. Excipe  
etiam casus in quibus licitum est assiste-  
re Sacro, & divinis Officiis, de quibus  
Eucharistia  
supra. Alter extrema unctio in loco inter-  
dicto conferri non potest. Non est ta-  
men improbabile, conferri posse, quan-  
do in articulo mortis quis non posset  
Pœnitentiam, aut Eucharistiam recipe-  
re, v. g. quia non exhibuit signum, aut  
motum pœnitentiæ. Nam tunc extrema  
Unctio videtur habere locum Sacramen-  
ti Pœnitentiæ, & potest facere de attrito  
contritum. Ita Trullench *in Bull. Cr.*  
*lib. 1. §. 3. dub. 7. numer. 2. part. 5. tract. 9.*  
*resol. 83. & tr. 10. res. 77.* Sacramentum  
Pœnitentiæ semper ministrari potest  
tempore interdicti, quod jure antiquo  
non licebat.

10. Matrimonium licet tempore in-  
terdicti contrahere. Nam quamvis in c.  
*si sententia, de sent. excomm. in 6.* genera-  
tim prohibeatur susceptio Sacramento-  
rum, exceptis casibus in jure expressis,  
& matrimonium in jure non excipia-  
tur; tamen illa prohibitio intelligitur  
de Sacramentis commissis administra-  
tioni Ecclesiæ; administratio vero ma-  
trimonii competit ipsis contrahentibus.  
Deinde in cap. *appellamus, de seriis*  
dicitur matrimonium quocumque tem-  
pore contrahi posse, ex quo videtur  
sequi, quod non prohibeatur tempore  
interdicti. Et tandem matrimonium, li-  
cèt sit Sacramentum, est etiam contra-  
ctus, ac proinde non videtur simpliciter  
prohibitum. Ita Villalobos *com. 2. tr. 19.*  
*diff. 2.*



*diff. 3. num. 15. contra Suarez disp. 33. sect. 2. n. 51. part. 3. tr. 4. ref. 267. & par. 5. tr. 10. resol. 81.*

*Sed quid de benedictionibus nuptiarum?*

11. Sed quoad benedictionem nuptiarum est peculiaris difficultas; quia inter divina officia computatur, imò habet adjunctam Missam, & preces solemnes, quæ interdicti tempore prohibentur. Sed Turrianus *lib. 6. disp. 49. dub. 4.* docet, illam celebrari posse in diebus, in quibus permittuntur divina officia publice celebrari; ut in diebus Paschatis, &c. Et Covarruvias *in c. Alma mater p. 2. s. 2. numer. 7.* contra Henriquez *lib. 13. cap. 45. num. 3.* ait, fieri posse quotidie eodem modo, quo divina officia singulis diebus celebrantur, scilicet januis clausis. Insurgit tamen Faber *ubi sup. cap. 2. numer. 30.* contra hanc sententiam; quia quando divina officia privatim celebrantur, laici ei intervenire non possunt, ergo non possunt interesse sponsus & sponsa *part. 5. tr. 10. ref. 84.*

*Sub mortali.*

12. Sed an circumstantia januarum clausarum, vel alia, sit servanda in celebrando sacro &c. sub mortali? Affirmat Hurtado *de interd. diff. 10. num. 32.* Sed, ut ait Turrianus *lib. 6. disp. 49. dub. 6.* posset quis dicere, quod secluso contemptu & scandalo, non sit materia gravis *p. 5. tr. 10. ref. 65.*

### INTERDICTI PERSONALIS Effectus.

*Interdictus personaliter non potest licite sacramenta conferre, potest tamen valide*

13. ¶ Effectus interdicti personalis sunt ferè iidem. Primus est, quòd interdictus non potest sacramenta conferre licite. Potest tamen valide, nam interdictum non tollit potestatem Ordinis aut jurisdictionis, sed impedit usum licitum illius. Uade interdictus valide absolveret. Quod si dicas, excommunicatum denunciatum non absolvere valide, ergo neque interdictum; nego consequentiam. Nam interdictus æquiparatur excommunicato non tolerato in hoc, quòd uterque prohibetur Confessiones audire, & uterque peccat

audiendo Confessionem; non tamè tollitur interdictio; sicut excommunicato jurisdictionis, quia non reperitur in iure expressum de interdicto, sicut de excommunicatione. Ità Cornejo *in 3. p. tr. 5. § 1. disp. 2. dub. 3. q. 4.* contra Fabrum *c. 1. n. 23 p. 5. tr. 14. ref. 62.*

14. Episcopus interdictus à sacro faciendi, potest conferre Ordines minores: quia non necessariò conferuntur in sacro. Imò etiam majores, ut ait Præpositus *in 3. part. q. 4. dub. 3. num. 25.* contra Henriquez *lib. 13. cap. 43. num. 1.* quia non est necessè, ut ordinans sacrum faciat, sed conferre Ordines potest, alio celebrante, *p. 5. tr. 10. ref. 86.*

15. Potest etiam conferre Sacramentum Confirmationis secundum Fabrum *c. 2. n. 17.* etiam si causam dederit, quia hoc Sacramentum æquiparatur Baptismo propter moræ periculum. Per accidens autem peccaret non præmittendo Confessionem, quia confirmaret in mortali, non autem; quia violaret interdictum. Sed an probabiliter, alii judicent, *part. 5. tr. 10. resol. 63.*

16. Si Sacerdos interdictus toleratus celebrat, licitum est non interdicto Missam audire, ut dictum est de excommunicato propter Extravag. *ad evitanda.* Si verò sit denunciatus, Faber *num. 47.* negat quia dum prohibetur relativum prohibetur etiam correlativum: ac proinde dum quis privatur celebratione divinarum, intelligitur etiam privati assistentia passiva aliorum. Deinde, quia hoc est cooperari Sacerdotis peccato mortali. Sed Suarez *apud Fabrum, l. cit. & Turrianus lib. 2. disp. 49. d. 2.* affirmant, quia interdictum personale militat solum contra personam interdictam. Nulla enim prohibitio apparet in iure, ne alii cum interdicto communicent. Neque ulla est species cooperationis in peccato Sacerdotis, dum ille non inducitur, &c. Utraque opinio est probabilis. *part. 5. tr. 10. ref. 64.*

17. ¶ Secundus effectus interdicti personalis est Non potest interdictus divinis Officiis interesse. Quod si naturaliter non accedat, debet expelli. Si verò expelli potest, non

*Episcopus interdictus à celebrando potest conferre Ordines, etiam sacros*

*Et confirmare.*

*Et si celebratus potest non interdictus Missam audire. Idque probabile, etiam si sit denunciatus.*



Et divinis  
Officiis inter-  
esse.  
Unde ab illis  
expelli debet.  
Quid si non  
potest.

non potest, ait Faber num. 113. cessan-  
dum esse à divinis, ex supradicta ratione  
quod correlativa simul prohibentur un-  
de sicut non licet interdicto Sacrum au-  
dire, ita nec Sacerdoti coram interdicto  
celebrare. Sed contrariam sententiam  
tenet Mercerus in 3. part. quest. 24. dub. 3.  
quia jura dum præcipiunt excludi inter-  
dictos, loquuntur de interdicto locali.  
Nec est aliqua moralis cooperatio cum  
ipso, cum invitè relinquatur part. 5. tr. 10  
resol. 64.

Interdictus  
ab ingressu  
Ecclesie in-  
telligitur so-  
lum prohibi-  
tus ingredi  
tempore Offi-  
ciorum. Nam  
in aliis tem-  
poribus potest  
ingredi, &  
orare.

18 Interdicto ab ingressu Ecclesie se-  
cundum Gordonum tom. 2. lib. 7. quest.  
16. cap. 8. num. 55. & 56. omnis ingressus  
in Ecclesiam est prohibitus. Secundum  
Suarez disputat. 35. sect. 4. prohibetur so-  
lum ingressus formalis ad orandum & c.  
Sed ego teneo cum Navarro cap. 27. nu-  
mer. 170. quod solum prohibeatur in-  
gressus tempore divinorum Officiorum,  
in alio autem tempore ingredi ipsi licet  
etiam ad orandum, quia Ecclesia funda-  
ta est propriè ad celebranda, & audienda  
divina officia, non autem ad privatas  
orationes fundenda, nisi per accidens:  
lex autem pœnalis propriè, & strictè in-  
terpretari debet. Imò puto probabiliter  
cum Avila part. 5. disp. 4. dub. 5. concl. 6.  
quod etiam dum divina Officia cele-  
brantur, transire possit per Ecclesiam, &  
sic transitoriè orare parte 5. tract. 10. resolu-  
tione 72.

Et Sacramen-  
ta recipere.

19 Probabile est, per interdictum ab  
ingressu Ecclesie non prohiberi usum  
Sacramentorum, sed tantum divinorum  
Officiorum, & sepulturæ, ut docet  
Henriquez lib. 13. cap. 32. numer. 2. con-  
tra Gordonum tom. 2. lib. 7. questio. 16.  
cap. 8. numer. 56. Unde quamvis talis  
non possit in Ecclesia divinis Officiis  
interesse, potest nihilominus in ea Sa-  
cramenta recipere. part. 5. tract. 10. resol.  
73. Probabile item est, interdictum ab  
ingressu Ecclesie posse divina Officia

Et Missam ac  
divina Offi-  
cia audire in  
Cœmeterio.

audire, & Missam celebrare in cœmete-  
rio, quia nomen Ecclesie in lege pœnali  
strictè sumendum est. Ita Filliucius tom.  
1. tract. 18. c. 5. num. 103. contra Villalob.  
2. 1. tr. 19. dif. 9. n. 5. part. 5. tract. 10. resolu-  
tione 74.

20. Si interdictus ab ingressu Eccle-  
siae debeat in gratia, sepeliri potest in loco sacro  
in loco sacro absque ulla absolutio-  
ne. Nam est absolutus à jure, quod po-  
tente talem pœnam, nisi pœniteat: ergo si  
pœniteat, interdictum sublatum manet  
Ita Cornejo disput. 2. s. 4. quest. 2. part. 5.  
tractat. 10. resol. 74. † Atque hic est ter-  
tius interdicti personalis effectus, pri-  
vare Ecclesiastica sepultura. De quo vi-  
de fufius V. sepelire. Addi potest quar-  
tus, nimirum, quod interdictus sit inca-  
pax novi beneficii, sed an ita, ut collatio  
nulla sit ipso jure, vide verb. Beneficium,  
num. 21. †

21. Clericus interdictus dicens divi-  
num Officium: si ad Orationes præmit-  
tat Dominus vobiscum, secundum Suárez  
apud Turrianum ubi infra, peccat mor-  
taliter. Sicut si benedicat aquam cum  
asperfione salis, vel Episcopus benedi-  
ctionem det cum solemnitate, quia hi  
actus licet quantitate parvi, sunt tamen  
graves in qualitate, ut potè adnexi Or-  
dini sacro. Sed probabilis est sententia  
Turriani de cens. l. 6. disp. 49. dub. 5. quod  
hæc omnia sint peccata solum venialia  
ex parvitate materiæ. part. 5. tractat. 5. re-  
solutione 59.

## I N T E R D I C T I Ablatio.

23. Interdictum latum ab homine  
tollitur à solo, qui tulit, vel ejus quo pacto  
superiore, successore, aut delegato, tol-  
latur.  
tum verò à jure, si sit in pœnam commis-  
si peccati, tollitur lapsò tempore pro quo  
latum est. Si sit ob contumaciam, & re-  
servatum, tollitur per eum, qui reser-  
vaverit, nisi quod Episcopus secundum  
Tridentinum absolvere potest à reser-  
vatis Pontifici, quando casus est occultus.  
Si reservatum non sit, & locale sit,  
potest tolli ab Episcopo loci, ab habente  
jurisdictionem Episcopalem, ut etiam si  
sit personale generale. Personale verò  
speciale à quocumq; Confessario absol-  
vi potest, modò decur cautio sufficiens.

Ita